



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ignis Fatuus Sive Charitas Inordinata

Leodii, 1679

Amico Lectori.

urn:nbn:de:hbz:466:1-42509

AMICO LECTORI.

URget me dudum Charitas Christi, ad inordinatam aliquorum Charitatem ex propriis ipsorum principiis & primoveris debellandam: neque aliis instructus armis in hanc controversiæ palestram prodire cupio, quam illis quæ mihi ipsimet adversarii subministrant: tanto etenim gloriosior erit de hoste triumphus, quanto magis propriis debellandus est armis. Omnibus vulgo notum est adversarios probasi, & fundamento superadificanda inordinata sue Charitatis machine passim ad nauseam inculcare vulgata juxta illos duo illa moralis practicæ principia, quidquid bene agitur ex amore ordinato agitur, quidquid male agitur ex amore inordinato agitur, sive duo illa ex præmissis principiis deducta Corollaria. Virtus est ordo amoris, vitium est inordinatio Amoris. Quod utique fundamentum utpote non satis fundamentaliter pro eorum intento secundum sanam doctrinam fundamentum, nullo aut saltem facili negotio destruendum est. & per consequens tota quam adlaborant huic fundamento superadificare inordinatæ moles Charitatis radicitus evertenda est. Porro hanc inordinatam Charitatem ignem fatuum indigetare volui eo quod sit huic metheoro simillima. Ignis fatuus non verus sed apparens ignis est secundum Philosophos, nempe exhalatio generata, & accensa in locis pinguibus & humidis ut in camiteriis, & aliis locis cadaverum. Dicitur fatuus quia hinc inde saltitat, fugientes sequitur, & insequentes refugit. Quod ideo fit quia materia ejus est viscosa, sic ut rebus

A 2 vicinis

AMICO LECTORI.

vicinis quibuscumque facile adhareat unde ut quis ab hoc igne liberetur bonum est fugere & bascillos erigere, ut casu quo exhalatio in illos impingat per suam viscositatem iis adhareat. Contigit enim quod homo hoc fallaci igne deceptus hunc ipsum tamquam lucernam lucentem in calliginosa nocte, insequens nescio quam stagnantem paludem vel foream incurrat ibique misere deperat. Inordinata Charitas non vera sed adultera dumtaxat, & apparens Charitasest, ex mortuorum hereticorum lacrimis & sentinis oriunda. Fatuam illam non immerito dixeris per singulos dies novum aliquid adinvenire, & fructificare quod numquam quisquam excogitavit. Fugientes insequitur & insequentes fugit: quid non moliantur hujus inordinatae Charitatis praecones, ut quempiam in suas partes trahant. Quomodo non fugiunt & adversantur illos qui veneranda antiquitate hanc novitiam suam doctrinam insequuntur. Viscosa illorum doctrina materia est utpotè sub specioso verae Charitatis titulo qua omnibus in amore est, omnibus ablandiens facile hominum mentibus inhaeret, & timendum profectum ne hoc adulterino inordinatae Charitatis igne a via veritatis abducti in abyssum erroris inducantur misere in aeternum perituri. Quare ex mente philosophi fugam hujus ignis fatui vobis per suadere conabor, & bascillos, sive virgas verae & antiquae sapientiae erigam, ut exhalatio illa pestilens per viscositatem suam illis inhaerens omnibus palam fiat adeo ut cum propheta regio in hoc turbulentiissimo insolentissimorum ingeniorum profluvio dicere possimus virgata, & baculus tuus ipsa me consolata sunt.

Jren. lib. 1.
Cap. 18.

IGNIS